

山中問答 - 李白

問余何事棲碧山

笑而不答心自閑

桃花流水杳然去

別有天地非人間

與隋將于仲文詩 - 乙支文德

神策究天文 妙算窮地理

戰勝功既高 知足願云止

龜雖壽 - 曹操

神龜雖壽 猶有竟時

騰蛇乘霧 終爲土灰

老驥伏櫪 志在千里

烈士暮年 壯心不已

盈縮之期 不但在天

養怡之福 可得永年

幸甚至哉 歌以詠志

月下獨酌 1수 - 李白

花間一壺酒，獨酌無相親.

舉杯邀明月，對影成三人.

月既不解飲，影徒隨我身.

暫伴月將影，行樂須及春.

我歌月徘徊，我舞影零亂.

醒時同交歡，醉後各分散.

永結無情遊，相期邈雲漢.

月下獨酌 2수 - 李白

天若不愛酒，酒星不在天.

地若不愛酒，地應無酒泉.

天地既愛酒，愛酒不愧天.

已聞清比聖，復道濁爲賢.

賢聖既已飲，何必求神仙?

三杯通大道，一斗合自然.

但得酒中趣，勿爲醒者傳.